



東萊先生詩集卷第四

呂本中居仁

山水圖歌

君不見南山老龍夜不眠令我破屋開青天千巖倒  
壁卷角上一榻却在洪濤前又不見江頭古木一尺  
圍猿猱接手懸高枝雨中寒蘆披靡去天際風帆先  
復歸陳生故是可憐人筆雖未到已親南村北村渴  
欲死怪此一空無纖塵鄭爰祁獄不鮮奇翰幹畫馬  
空多肥萬里咫尺君得之更看相江雷雨垂

陳生欲  
畫湖湘

圖

庚寅年正旦郡中客次作

晚霜挾霧入寒廳，四坐伊優不暫停。刺欲禪房作新  
歲，念無餘滙到空瓶。詆潛與世聊從俗，嘯傲他年可  
乞靈。更為旁人住，俄頃坐間愁殺兩螟。

題李伯時維摩畫像圖

老松挽天四無壁，小菴不勞空一室。野竹入戶芭蕉  
肥，下有無言病摩詰。文殊妙對亦未真，身如浮雲那  
得親。驚倒同行問話人，彼上人者何所云。龍眠好事  
筆有神，不避世間狐兔群。掃渠胸中千斛塵，多口阿  
師聞不聞。

掃渠一作洗盡

遣懷

何山不堪隱，何家不可居。古來子華門，亦着荷畚夫。  
荒田脫積雨，未免供晚租。今日視昨日，但見有不如。  
故人勸加飡，老親憐嗜書。寧知毛錐子，不可一日無。

一作一日不可無

又

秋風襲殘暑，忽過江上林。旦日扶杖來，不見十畝陰。  
蔬畦甚寂寞，亦受霜雪侵。念此不常好，如我宿昔心。  
濤頭落崩岸，野鳥助謳吟。潛魚著沙底，避網冬更沉。

襲一作塵

又



異時忘言人馬鬣今宿草生平不如意欲伴寒木槁  
遂令藜苲腸更盡組繡巧三年對空案蒲子詩可飽  
從來文字上不解顏色好相逢期後身再訪西院老  
謂信  
民也

符離阻雨

東風吹船牕未曉天復雨篙師促添纜卧聽泥席  
不知城北園春事今幾許舊游如宿昔花柳默可數  
鄰里先後來頗復相勞苦東家獻牛酒西家饋鷄黍  
感渠長久情愧我無所取注候哦詩處積水敗環堵  
念此不忍行不但此入阻七年此端居畏病如畏虎

故人饒與黎此老可共語

伍員祠

伍員廟前一丈碑上有野鶴雙來棲水雲香：涼去  
遠風雨冥：秋到遲江花相趁野花發舊燕不隨新  
燕歸大夫遺恨竟何許楚越勾吳今是非

東園

垢汙久思出江山秋更新荒田出龜兆老檜落龍鱗  
風月猶堪夜蒲蓮浪作春籃輿亦乘興寔自厭冠巾

寄琦監院

往時濟陽晁公子今日靈巖琦上人千山不礙一月



曉北樹忽見南枝春箇中有味渠不識底處無情公  
得親不知碧眼之面壁何如魑顏西入秦

即事戲荅季一

斜陽着高柳環堵半黃昏小圃三年旱荒池一尺渾  
粗知詩有味寧使婦無禪不信晁公子猶招楚些魂

季一詩云思與諸公論  
人物試憑清議賦招魂

湘竹

小雨催寒入夕曛湘江風味可憐人斑斑玉淚無時  
盡裊金梢別是春

有懷宿州城北因作詩寄才仲

宿州古城北隅雨罷晴開如畫圖雜花亂藥未湏  
道白杏一枝天下無香風裊入短袖明月蕭蕭隨  
蹇驢二年不復見此樂清江萬頃正愁予

示沈宗師

十日見號不出房殘梅猶在小瓶香沈郎喚客煮湯  
餅政恐匆未得嘗

又

九日狂陰一日晴落花飛絮作清明與君携手南樓  
去共聽長江月下聲

夜坐戲成呈迪吉宗師二友



夜窻燈火著新寒喜見蒲團一味閑縱有好詩人不  
要却須還與檻前山

又

踈簾欲上梧楸影遠枕微聞盆盎鳴甚欲分身就公  
宿只愁塵土變江轂

奉簡章仲孚兼呈宗師

日：勃鳩相應鳴年：春草趨愁生道人不怕冰霜  
面又作南舟十日行

又

沈郎愛客如愛酒章子問詩如問禪肯共寒爐撥殘

火共搜佳句作新年

老松

奉君以綠綺琴報我以雙南金盃中琥珀不須盡聽  
妾一般行路吟君看庭前老松樹上有杳默不斷之  
清陰牆低未礙髯髮古歲晚不辭霜雪侵東園桃李  
自妍好與君百生同此心

揚州雍熙寺納涼

高樓有餘涼但見旗脚動鳥語簷角來仰聽風響弄  
江山舊還往草木老賓從平生二笑遠可得萬鈞重  
脩然六尺床更許佳月共



訪張鑑秀才兄弟

眼看霍：萬錢食便就匆：五鼎烹何似張侯五兄  
弟閉門相對飽芹羹

邵伯埭路中

行前蒲柳後鷗鳥乃似白沙之舊居忽見雲見有新  
語不知風雨對殘書往來河樹幾傾蓋上下江船如  
貫魚更與河山結香火夜窻重枉故人車

寄周司理

日月走動勦舟楫卧煩暑涼秋在萬里客子安得語  
周侯磊落人憐我自焚煮殷勤半月留可得一笑許

別來今幾日坐此百里阻清風不時來曉月仍半吐  
卷簾看修竹忽似對眉宇人生行樂耳舍此皆自苦  
終期卜隣歸重聽對床雨雖無塢：歌亦有坎：鼓

山光寺前泊舟值雨

輕雷喚小雨憶在白沙時綠酒留連醉紅燈取次詩  
好風那復有涼月自相隨獨上山光寺清歌無柳枝  
步月有懷

平生最愛花梢月可與青樓一等看病老老來渾忘  
却曉窻晴日上蒲團

楊州筇一上人



日：東風吹客衣小園春在掩芳菲殘花過雨飄零  
盡好鳥穿林自在飛往事虛成采薇瘦故人頻有食  
言肥知公未厭西行晚且伴江船緩：歸

送一上人之京師

東風吹雲十日雨卧聽城頭打衙鼓道人遠自山中  
來共坐南窓濯泥土自然高韻到羲皇豈止微言變  
齊魯萬牛回首不震掉一葉橫江且掀舞未能入水  
取蛟蜃尚欲投戈伐貔虎念公守此非一朝木病魄  
魂無枝條已盡千峰西嶺雪更夢八月錢塘潮京城  
塵沙深一尺是中莫筭公履迹權門蹲啗兒女笑我

一思之不能食片帆無事早跡來為公一洗山中一  
石

擬古

狡兔死三窟老松堅百尋物生各有願共此分寸陰  
荒城六月旱長江三日霖稻苗不遂死幸無蝨賊侵  
皇天不私覆一語銷百士先生典刑在落：傳至今  
願以小人腹而為君子心

又

寒鷄不能晨苦雨自朝夕上為雲雷巢下乃龍蜃宅  
坐懷陰外天缺月掛殘魄少來可喜人牖戶陳玉帛



平生千萬言略省二三策牛山所種木日在斤斧厄  
念君十年心使我双鬓白

潘邠老嘗得詩云滿城風雨近重陽文章之  
妙至此極矣後託謝無逸綴成無逸詩云  
病思王子同傾酒愁憶潘郎共賦詩蓋為  
此語也王子立之也作此詩未數年而立  
之邠老墓木已拱無逸窮困江南未有定  
止感歎之餘輒成二絕

漫營新白補殘章寄與烏木玉樹郎他人無人識佳  
景滿城風雨近重陽

二

好詩政似佳風月會賞能知己不允萬里潘郎舊鄉  
縣半江斜日落鯨帆

寄李商老

竹不可一日無酒不可飲不醉平生嗜酒愛風竹此  
意不許允兒會南來經年飽塵垢袖手甘隨百夫後  
文章漫作無功身只了兒曹補牕竇黃沙障日江漫  
流青山喚我十年舊憶昔泊船鵝翎口把酒遙為故  
人壽只今身在心已老千巖想像灵芝秀君家兄弟  
固不允解挽三友勤相就中郎卧病過春晚昔則酒



狂吟詩瘦山房大名不墜地  
諸老風流未宜棄老之  
槽參天可乞盟菜食餽羹乃  
無味如君高韻千載同  
可更託身三數公大夫勁挺  
要長久百萬叩關一夫  
守胸中江海不須道此流  
何必計升斗眼前勃宰泝  
二友聽客所為公絕口

雨中作

咄：真成夢悠：復未知  
室為牛背語不作劍頭炊  
雨挾秋聲亂江含暝色  
悲故知無事飲猶勝頃來詩

示內

貧賤不可忘富貴定足羨  
我生未三十種：厭貧賤

宦情肱九折老味金百鍊  
稍回功名心未結香火願  
平生所知人久已焚筆硯  
是中無真寔不在儒術緣  
有如退飛鷄更借送風便  
病妻頗癡絕可與共閑宴  
小女真吾兒語學春鳥囀  
初非本來有且作夢中見  
居看手捉鼻絕勝扇障面  
他年從吾名同入隱之士  
傳

寄外弟趙枏材仲

長年更多疾念爾不能忘  
夢去關山靜書來道里長  
形骸且憔悴草木自蒼唐  
古縣疎還往微官絕簸揚  
頗聞能吏事仍不廢文章  
客舍襄江下人家筑水傍







屢成千里目，虛斷九回腸。我老知無用，身闲欲半藏。  
預愁章服裏，仍怯簿書忙。事業煩詩卷，生涯在藥囊。  
得非秘叔懶，寧似次公狂。野檜多鱗甲，寒松半雪霜。  
高天一雁遠，小徑百年荒。每惜朱絲斷，空懷素錦張。  
舊交渾潦倒，此語更微茫。欲判五斗米，先尋百本桑。  
殘羹得共啜，薄酒要同嘗。匣裡出鳴劍，眼中除昧糠。  
未容窺突奧，虛自倚門牆。指點飛鴻路，何人識故鄉。  
一本自野檜多鱗甲，寒松半雪霜，下云直須守藏。  
晚莫羨踏春陽，夙受袒師印，得遊夫子牆，直言無  
異理，未學故多方，必若除煩惑，先能起仆僵，君才

可辨此吾說，未應止匣裡。得明鏡，眼中除米糠。高  
天一雁遠，小徑百年荒。每惜朱絲斷，空懷素錦張。  
馬難逢，伯樂麟有遇，鉏耨却倚摩天刃，兼除治水  
航。舊交渾潦倒，此語更微茫。欲判五斗米，先尋百  
本桑。永無南浦送，頻受北風涼。想弟眉宇好，見兄  
籌策良。殘羹可共啜，薄酒更同嘗。龜勉初無害，衰  
遲却未妨。時尋二三子，同看億千場。指點征鴻路，  
無人識故鄉。

京師贈大有叔

尊酒相逢十載前，綠髮紅顏俱少年。尊酒相逢十載



後皮黃肉皺俱白首叔如鴻鵠但高飛姪似麕鼯更  
深走南來行李初一逢長安舊第冰雪中閉門不識  
故人面豪氣直欲輕元龍平生為道不為食少小所  
期皆目擊何時相就過江南同訪曾遊舊泉石

寄蔡伯世趙才仲五絕

我恨不識鹿門公蔡郎心期千載同不隨吏部曹中  
板去赴長蘆寺裡鍾

又

一坐十月長江濱自君之來心轉親還書起居清源  
君人間紛々何足云

又

同行者誰平原孫於我不但骨肉親誰言不為莼花  
去只愛江山亦可人

又

二子逃禪不計年江湖重去水粘天直饒透盡三關  
語到底終成百漏船

又

木魚光裡兩蒲團意氣與我平生歡盡底告君々不  
會空得癡人尋筆端

兩蒲團謂愚壁時  
諸人爭叔壁書

寄范子



范郎平生萬人傑，只今未免兒號寒。三江五湖在胸次，琨玉清霜看筆端。舊疾祇令肝肺熟，春風欲開桃李顏。待約江南今夜月，與渠萬里報平安。

春風

春風隨長江，一日行萬里。蕭條起岷山，歟忽度揚子。江南千酒樓，春風樓上頭。金樽開翠幄，青帘吹客愁。長堤二月暖，寒溪千古流。紛：桃李花處：作芳華。不見梁間燕，空悲王謝家。

聽琴

君不見龍門之下百尺桐，漂灑飛雪愁寒空。何年班

爾落君手，小窗伴坐歌南風。恍然如著山巖裏，不知身在塵埃中。初聞平野飛鴻鵠，歟聽金盤起珠玉。逸壇古樹鬱嵯峨，六月吹霜作寒綠。折楊黃花不須道，別鶴離鸞尚堪續。君不見開元天子醉西都，音聲十院留歡娛。當時臨軒奏此曲，徑須解穢煩花奴。乃知恬淡世莫識，無弦之趣何時已。無歸家愁，厭箏笛耳。此聲一聽還已矣，會須流水訪鍾期。試向爐中覓焦尾。

雨後

新花欲盡竹當欄，喜見空墻野色團。稚子乘陰蔣蘭



東坡先生詩集  
菊僕夫留水灌萬蔓茶香于汝初無分酒熟逢人也  
強歡惱亂春光君會否小瓶猶占一枝殘

送山伯良佐東歸以務道期息塗為韵

荆棘生良心米鹽入塵務芬芳老不達豈不以此故  
人生錐處囊穎末要立露玉壺近青蠅沒自點污  
剗心萬物表却立看脫兔

臨別當一言懇念忠告縹囊可取足結徃萬古好  
默識古則然愚智同一道遠師顏氏子近比伯業操  
文章有妙斲期子開空奧  
吾詩如清風去留不可期灑然或一來不繫凡子知

兩郎從我遊豈但窺藩籬山房光焰在實藉眾木枝  
斯言可三復如我清風詩

昔我同學生文字虎而翼仲弟最多才志以六月息  
自吾失若人每詩輒氣塞子如求數君慎莫怪蝨賊  
胃懷但明了几案付塵黑

贈我貂襜褕報以明月珠古來聲名人一一行此塗  
漢中屠沽兒遠可曹公奴人生嗜好異至有海上夫  
孰能識其然飽此萬卷書

河水清贈良佐兼寄高老

河水清江水黃南山北山自相望恨君不止白石房



東坡先生詩集  
與誰同遊南郡郎白玉刻佩明月璫如鳳四海求其  
鳳道里遼遠日月長爽氣自足陵朝陽舉酒送君  
莫忘

同晁季一李天紀過沈宗師北莊因成長韻  
三年城南居不識城北土但聞玉雪郎去作猿鶴主  
今晨籃輿來握手相勞苦勝遊有佳士洗耳聽妙語  
晴窓背雲壑落日在環堵晚風生白楊想像原野古  
斷崖懸老木小港聚寒雨却觀城市人努力自焚煮  
畏途出衽席禍福有未覩杜陵懷壯遊無忌笑豪舉  
二者覓真是政恐君未許千秋柴桑翁妙句聊一吐

郵上祈雨

泥龍蟄蜥困追求旱遍淮南二十州寄語天公莫輕  
許少畱明月作中秋

清風

清風如君子所至有餘情忻然破煩溽有醉時一醒  
嗟我二三友飄散秋葉零不知城南王何以識我名  
歛斜左手字勞苦如平生會寫登樓賦一弔漳濱靈

學視

學視覩懸虱病耳聞聞蟻紛然酬六鑿萬劫費楷洗  
君看杯中蛇妄想從何起忽然一妙語初魚強料理



回觀積年疾乃是一念思誰能明此心香山老君子  
寄舍弟

殘暑墜空屋舊書穿破帷才蒙小雨潤遽得好風吹  
逸少每作惡淵明常病羸他鄉憶君弟苦語自成詩

斷雲

斷雲西南來好風東北去翩然兩無心空中忽相遇  
化為一尺雪照我亭前路昔者甚可憐今來渺無處  
故人多勸色留我不少住羈愁動中腸疾病增可慮  
虛庭著明月皎皎如積素不見乘鷺子空懷舊烟霧

如臯道中

客路三日雨頗知袍袴單長河貫沃野薄酒動新寒  
晚日魚蝦市秋風藜藿盤衰顏定可笑不必鏡中看

東萊先生詩集卷第四

東萊先生詩集卷第五

呂本中居仁

初去白沙再望路中江南諸山慨然有懷

青山如美人濃淡各有態挽之不肯來乃似孤竹隘  
念無千里風限此一衣帶憂木與藩屏不畏炎日曬  
三年白沙游藉尔寬眼界脫身塵垢中笑一終不壞  
別君更舉酒未了清淨債雖無絲竹娛會有詩律快  
何如少陵翁亦為杜鵑拜吾詩有餘歡此語君勿怪

赴濟陰留別一公

近別君莫嗟遠別君莫惜往來天壤間誰為不相識  
十年幾相別日月虛棄擲見君長江口已作胡眼碧



別君廣陵城妙語推霹靂今別知幾時復念駒過隙  
坐成千里阻當有片言益不勸君愛身不勸君強食  
勸君以勇決萬事要努力愚夫之所欣智士之所戚  
譬言如醉而顛亦有傍震斃殺色糾纏人萬劫困封植  
本自驕墮生亦以因循得寔惟招侮慢豈止礙空寂  
居然耳目內友務化勅適誰能深山中弄此無孔笛  
芳草變蕭艾每為長太息如公定不然此語當謾憶  
何妨膏腴地更論去荆棘君看一壺用亦有千金直  
五月五日泊舟非神與閔聖功唐充之李元  
輔作別意殊惘然端午日行次洪澤把酒

眺望已如異世事矣因念屈大夫之死正  
是此日慨然有感于心輒成長韻奉李民  
師翁士時來可求和也

麥上蝴蝶飛水邊鷓鴣卧却望山陽城已若一夢過  
今晨又端午把酒意欲墮風回浪撼船聞淺沙著柂  
故人阻情話客子且清坐更念屈大夫是日遇奇禍  
空餘後世名弟子只增些寶璐與明月皎々不受澆  
固知汨羅沉可到首陽餓還書二三老此語君可和

贈唐充之兼簡益中

三年白沙看江山可當中原故人面今來千里逢故



人笑談却作江山見江山故人不相遠平生志願於  
君滿唐侯獨立一代無張侯與之來集枯老松本自  
歲寒外良馬不畏長途驅飢年百室仰粟廩暑路六  
月懸冰壺念昔閔汪不相貸視世好爵如機械上書  
索去不作難云我未了平生債後生少年延頸觀諸  
公故人思一快基本未定天奪之賴有君侯數人在  
龍媒已遠風馭回坐歎四海梁木摧爾來老謝又繼  
往但覺眼界常塵埃長江無津出光怪迥野入夜開  
風雷此語不誣君可驗請君更討防身劍

夜雨

夢短添惆悵更深轉寂寥如何今夜雨只是滴芭蕉

出門見明月

出門見明月入門思故人故人如此月一見一回新  
明月相見多故人相見少問尔何因緣長似此月好  
故人在何處南北東西路明月在咫尺夜二庭前樹  
明月莫虧缺故人莫離別願月如故人故人亦如月  
庭前樹一作庭前樹

往歲在白沙見江上往來祠神者殺猪羊鵝  
鴨日夕相屬也有感于心後至濟陰因成  
長韵當托白沙故人授之廟前庶幾神少



知自戒乎

今日殺一羊明日殺一猪問神何所樂而必為此歟  
羊死喋無聲猪死足號呼傷哉鴨與鵝閉目頸已朱  
問神此何負神亦何所取吾知斯民愚非是神所許  
江船一帆風江田一犁雨民或謝神勞尚使相告諸  
但采澗溪毛足以薦筐筥何須汚刀几而後羞鼎俎  
予物固無怨于神亦無苦但更令鳴二歌時送坎二  
鼓

濟陰野次

去年騎馬古城西雨浣鞍韉一尺泥今日重來轉無

緒強扶衰病逸河隄

毛彥謨容膝軒

黃金為樓玉為梯畫旗素錦生光輝不如一庵醉而  
歸倒卧倒立無東西君才子用無不如宜會稽竹箭  
梁山犀賈而不售君不疑亦自不以為珍竒浦明妙  
處君得之萬古一首歸來辭一庵容膝君所知不用  
芥子藏須彌望風懷想三歸依眼前有睫見者誰世  
人紛々自治何異羊質蒙羸比見豺而戰戰忘其皮  
墻頭燕雀莫謾肥汝不仰看鴻鵠飛伯夷去採西山  
薇想渠瘦亦不勝衣不羨汝曹腰十圍



東坡先生詩集  
一本倒卧側立無東西下云小窗容膝君所知不  
用芥子藏須彌君才于用無不宜醫無間之珣玗  
琪會稽竹箭梁山犀賈而不售君不疑亦自不以  
為珍竒淵明妙處君得之萬古一首歸來詞望風  
懷想三歸依眼前有曉見者誰我生甚窮今則哀  
何異羊質蒙鼻此見豺而戰忘其皮恨不與子歸  
全時君生于書無不窺文字皆好尤長詩令我琢  
句相追隨墻頭燕雀莫謾肥汝不仰看鴻鵠飛伯  
夷去採西山薇想之渠瘦亦不勝衣不羨汝曹  
腰十圍

濟陰寄故人

柳絮飛時與君別南樓把酒看新月  
似當年離別時柳絮隨君何處飛  
千書百書要相就思君不見令人瘦  
念君情意只如新願我形骸已非舊  
朝來有信渡黃河雁足繫書多  
網羅城南城北芳草多明月如此奈愁何

晁叔用得古鏡二一以遺法一上人澄澈可  
愛底水隱然蜃樓突起又作杯渡禪師像  
翻然衣動正在中流間也一求記于予  
因為作歌



晁郎高居卧冰雪得此懸空兩秋月已將屋角倒魑  
魅更與人間洗炎熱一月團：如扇画一月菱花光  
掣電憐君囊中一物無意欲分君託方便菱花入袖  
世莫識空堂夜留跡雨滴天生室氣有期會復恐藏  
去終無益君行萬里尋劍術山精喚君：莫出寒泉  
百尺傍枯樹狡兔九月投霜鶻未須潘謂苦哦詩或  
自蘓公識神物下有禪和不笑人人須君一照蛟龍  
窟

別離行

城頭草木日夜黃九月北風天雨霜月色入戶侵我  
床美人乃在天一方奮游可樂不可忘恨君不隨雁  
南翔恨妾塊守此空房曉風忽來吹夢長夢中與君  
還故鄉黃金為屋玉為堂與君更笑億千場不須合  
佩雙鴛鴦

李念七久不見過

不隨殘暑退青蠅入眼囂塵漸可憎靜裏工夫君莫  
厭夜窗重對短檠燈

又

羅襦襟解燭滅後唱雉喝盧人散時願君莫忘默軒  
老少小先蒙國士知



往年與閑止叔相別甬上止叔見勉學道甚  
勤且曰無為專事文字間也及今五年矣  
尚未有所就因作詩見志且以自警也

老閑別我時笑我勤苦甚曰吾與子然同此一味靜  
收功粥魚底筆墨有訛評五年念此語但見日月競  
雖無蛾眉斧亦有宴安鳩斯人今何往想作大樹蔭  
我走足欲蠶始學兩鳥噤君看齊轂謳何異眾哭臨  
繁紅成春條本自其天性風雨頌繫一作折之不有十  
日盛人生亦作聊共未免此病乃知鑿頭通已勝狗  
脚朕洞山會下有僧法空其宿命時有通上座者刻  
苦練行空以水照之知其前身為魏孝靖帝也

時眾中謂通為鑿頭通云

六月初三日雨後步至城東

涼秋生郊原快雨灑庚伏曲肱訪幽睡朝夢不可續  
開門招此山爽氣滿崑谷村蹊沒衰草古院蟠翠木  
東行得幽亭小徑來已熟下有十里濠暑退萬荷綠  
恨無沽酒錢一醉起枵腹人生要快意豈止寄幽獨  
若看後地蛙聲韻故不俗移怡然供清歡何必絲與  
竹

得揚州書

書來每恨日月晚書去還憂道里長但得老親常健



好不辭新歲且窮忙文章已受塵埃泥禪觀多為疾  
病妨趁得殘春北歸否近箕臨穎是吾鄉道里一  
道一

歸計未成作詩寄懷

萬里田園半有無十年歸夢阻江湖文章繆忝聲名  
在氣體猶須藥餌扶客路因風起舟楫水田無雨卧  
菰蒲青帘白酒斜陽外不與行人滿眼酷

閱舊詩卷有懷

好詩無過亦無功準擬還家贈阿宗會有江山與滄  
被且無塵土共從容大江矯：雲間鶴老謝森：澗  
底松回首百年俱一夢暮年文采更誰從且無一  
作畧無

高郵道中荷花極目平生所未見

綠淨紅深水不流炎天烈日自然秋只供野父已無  
計便與行人亦暗投明月不來江北岸好山應在石  
城頭何年得映潘妃步更放君王作意游

高郵遇大醵作

南風極炎暑赤日不可傍扁舟在地底淺水安得強  
坐懷長河冰未盡啜飲狀甚憎食案蠅意欲不相讓  
旱苗乾欲死蒲藕秋可望平生投筆手中有無盡藏  
爾來但深藏穩著犢鼻上有如三年艾更復加百  
壯黑雲翻日脚好雨終不放雷聲無事來殷：車



百兩東街暴泥龍西街設銅像利害有不同未易相  
得喪農夫責催租日夕困大杖那知清歌前把酒有  
餘量

題孫廣伯主簿家壁

古木輪囷老歲寒好花無力便凋殘秋風只在盆池  
上但作江湖萬里看

贈孫廣伯

人皆笑君拙我獨喜君直拙則世所無直則未易識  
昔者中丞公事主以一德從容進退間多士所取則  
朝廷九鼎重冠冕萬夫特塵埃困大路此老雖難再

得至今門下士必以身許國孰知強弩末而有百鈞  
力賢孫後來秀見我好顏色收功却埽中欲任門內  
責空拳入善陣匹馬見勅敵不嫌不識察但恨無此  
獲欲赤莫如丹欲黑莫如墨吾常持此言以辨主  
與賊苟無牛羊害則有天地塞君能但拙直亦莫忘  
黑白

與吳迪吉諸人赴晁季一陳塘范園之遊因

成十韻

東風未寂寞頻枉故人車客舍輕寒下村煙宿雨餘  
曉紅留隱映新綠上扶踈妙墨懸高榜殘章得舊書



即所謂白水蛟龍忽舒卷草木自清虛渺々登臨地  
滿時雙鷺下悠々水竹居只今那復有本自不閑渠塘水空遺廟  
塘即陳元龍所開今蠶淙亦故墟唐武宗時所建寺  
有元龍廟在此塘上蠶淙亦故墟  
適有蠶同行喜佳士所到即吾廬政恐習池飲風流  
却未如

送晁季一罷官西歸

少年閱人若郵傳漢廷公卿日千變故人一感便青  
雲咫尺相逢不相見丈夫鬚髯但如戟黃塵沒馬渠  
未識晁侯文采老不聞兩耳壁塞目為昏三年刺促  
簿書裏更覺和氣生春溫誰能種蘭生九畹從公不

辭墮車蹇冰霜入眼蚊蚋去莖李成蹊草茅遠胷中  
滄海無水旱眼底浮雲看舒卷頃來江上幾送迎聚  
蚊成雷公不驚笙竽佛地不知曉公但寒窗延短檠  
乃知風雨晝窮冥我亦不廢晨鷄鳴箕山之下潁水  
邊脫冠便歸湏壯年請公先尋買山錢我亦從今當  
着鞭

侯羸

游士縱橫覆翻手山東諸侯望闕走歷下却無郵使  
來長城易水非燕有大梁賓客舊如雲夷門監者未  
有聞謾將苦語送公子市井屠兒虛見存後來毫髮



爭得喪紛、小兒誇跌宕不知世有公子年一生放  
迹江海上

昭君

凍雲霾空風折木烏孫公主歌黃鵠昭君請自嫁單  
于當時各倚顏如玉露鬢雲鬟胡地塵帳中誰是可  
憐人左抱琵琶右揮手胡地漢宮能幾春嗚呼古來  
出婦嫁鄉曲何曾肯望秦雲哭

戲呈外弟趙才仲

趙郎風味春月柳可到阮公青眼邊秋水黏天劇空  
濶曉霜扶月作婵娟北來好句傳新雁一夜客愁如

少年安得瓊枝更當眼沙頭同理釣魚船

城北別江予之

但覺與君別孰知興歸長亂畦分宿雨老木掛晨作  
新霜未許綠詩瘦只知如許忙他年風雨夜重約細  
商量

訪晁季一

近人烏雀第弟語堆案簿書鳧鷖行是中亦自有佳  
趣公但徐之渠自忙西風忽來涼月曉楓葉蘆花秋  
意少勸君多飲莫多談截斷中流公更參

吳君求詩因作四韵寄之拜簡小吳与甯



生

文字縛人同束濕吳君不言如坐忘知公胃中有餘  
地萬頃亦在一華航寒梢倒掛夜來語細草已披秋  
後霜寄語兩吳兼小窳莫因詩律廢相望

古劍歌

寒江九月雷殷空落日倒射千山紅江頭樹木半傾  
倒衮：不盡洪濤風：中有物如長戟電光忽來傾  
霹靂雨罷晴開不復知乃是潛蛟倚長石蒼皮半卷  
頗飛動滋蘚中開欲跳擲青熒野火不絕水天矯長  
煙轉空壁天生神物有時出歲月飄流為誰得銅花

欲盡秋水渾尚有千年妖血痕向來天地亦兜戲俄  
頃變怪徒紛紛君不見豐城之來亦不久寶氣何為  
上牛斗

初夏即事

歌呼連墻亦任渠移門賓從又何如是日西鄰置酒會客甚盛晴  
堦仰日卧紅藥野水趁船跳白魚多病日參糲桶話  
得閑時近養生書平生不盡幽居興付與長江拯釣  
車

偶作

鄙夫養病苦不足諸公覓官常有餘自是閑人不更



事可隨雲鳥更深居

癸巳自南京過泗上

昔我往矣天欲霜今我來思梅已黃淮山灑雪塵垢  
面魚稻騷除藜藿腸好風肯伴客帆遠故國不辭歸  
夢長塔中老人莫相笑我自寂然渠自忙

泗上贈楊吉老

杯中蛇去無恙醉裏詩成有神相逢不及世故長年  
倍覺情親

又

置王坦之膝上着陳長史車中何似維摩文室蕭然

一榻清風

題寶應張氏草堂

好風殘暑不同途穩看飢蚊自掃除不謂南軒有佳  
竹捲簾相對一牀書

學仙行

長松拂雲根合抱雪虐霜凌不相到下有千歲老茯  
苓化為琥珀光自照食之便可登廣寒不但無病長  
年少浮生溷濁那可言和氣乃為塵務煎坐看靈藥  
置泥土五味雜置成薰羶豈不聞齊天子黃金丹成  
不肯仙且貪人間樂不能從汝飛上天惜哉帝即之



妙語一失毫釐千萬年

冬日訪朱深明博士

北風迎馬入裘茸來訪殘爐半日紅  
敗屋數間書百篋無人知是陸龜蒙

又

見公便是倚松老念我不忘擔板心  
萬里江山一尊酒主人無古亦無今

東萊先生詩集卷五



